

etiam executioni demandanda et observanda curetis, secus non facturi. Datum in Arce nostra Regia Pragensi, decima nona die Mensis May. Anno domini MDMXXI. Maximilianus m. p. Joan. Listhius, E. Vesprimiensis m. p.

Originale in Archivio Regni Croatiae.

1608. 6. DECEMBRIS. POSONI.

Articuli Generalis SS. et OO. A. 1604 Zagrabiae celebratae Congregationis, a Rudolpho Rege A. 1608 confirmati, a Mathia Rege eodem Anno transsumuntur et confirmantur.

Nos Matthias Secundus, Dei gratia Hungariae, Dalmatiae, Croatiae, Sclavoniae Rex, Designatus in Regem Bohemiae, Archidux Austriae, Dux Burgundiae, Styriae, Carinthiae, Carniolae, Marchio Moraviae, Comes Tyrolis et Goritiae etc. Memoriae commendamus tenore praesentium significantes quibus expedit universis. Quod fidelis Noster Reverendus Frater Simon Brathulich, Episcopus Zagrabiensis et Consiliarius noster, nostrae Maiestatis veniens in praesentiam, suo ac fidelium nostrorum universorum Statuum et Ordinum Regni nostri Sclavoniae nominibus ac in personis, exhibuit nobis et praesentavit quasdam literas Sacratissimi Principis Domini Rudolphi secundi, electi Romanorum Imperatoris ac Germaniae, Hungariae et Bohemiae etc. Regis, Domini et Fratris nostri observandissimi, in duobus arcubus papyri constantes, sigilloque eiusdem Secreto, quo uti Rex Hungariae utebatur, in inferiori earum margine impressive communitas, ac manus suae Maiestatis subscriptione roboratas, continentes confirmative in se decem Articulos, per eosdem Status et Ordines dicti Regni nostri Sclavoniae, super certis libertatibus et consuetudinibus eorundem editos. Supplicatum itaque Maiestati nostrae nomine ac in persona dictorum Universorum Statuum et Ordinum praelibati Regni nostri Sclavoniae extitit humillime: quatenus praetactas Suae Maiestatis fraternae literas, omniaque et singula in eisdem contenta, ratas, gratas et accepta habendo, literisque nostris verbotenus inseri et inscribi faciendo, approbare, roborare, et ratificare, ac pro Eiisdem vniversis Statibus et Ordinibus praefati Regni nostri Sclavoniae ipsorumque posteris ac successoribus vniversis innovando, perpetuo valituras, gratiose confirmare dignaremur. Quarum quidem Literarum tenor talis est. Nos Rudolphus Secundus, Dei gratia Electus Romanorum Imperator semper Augustus, ac Germaniae, Hungariae, Bohemiae, Dalmatiae, Croatiae, Sclavoniae, etc. Rex, Archidux Austriae, Dux Burgundiae, Styriae, Carinthiae, Carniolae, Marchio Moraviae, Comes Tyrolis et Goritiae etc. Memoriae commendamus tenore praesentium significantes quibus expedit universis. Quod fideles nostri Honorabilis Balthasar Napuly, Lector et Canonicus Ecclesiae Zagrabiensis, ac Egregius Nicolaus Malenych de Corilocz, Statuum et Ordinum Regni Nostri Sclavoniae Nuncii, ad nostram Maiestatem ablegati, nominibus ac in personis eorundem